



Broj: JN05-16-4-55-6/21
Sarajevo, 01.08.2021.godine

Na temelju člana 25., člana 69. stav (1) tačka a) i člana 70. Zakona o javnim nabavkama („Službeni glasnik BiH“ broj: 39/14), ministar pravde Bosne i Hercegovine, donosi

O D L U K U
o dodjeli ugovora u postupku javne nabavke

I

Dodjeljuje se ugovor ponuđaču ENERGOPETROL d.d. Sarajevo, Azize Šaćirbegović br. 4b 71000 Sarajevo, u postupku javne nabavke benzina i dizel goriva za službena motorna vozila Ministarstva pravde BiH.

II

Ponuđač iz tačke I ove odluke dostavio je najnižu cijenu u skladu sa članom 64. stav (1) tačka b) Zakona o javnim nabavkama Bosne i Hercegovine.

O b r a z l o ž e n j e

Ministarstvo pravde Bosne i Hercegovine je Odlukom broj: JN05-16-4-55/21 od 11.08.2021.godine, pokrenulo otvoreni postupak nabavke benzina i dizel goriva za službena motorna vozila. U ostavljenom krajnjem roku za dostavljanje ponuda pristigle su ponude od sljedećih ponuđača:

1. HIFA - PETROL d.o.o Sarajevo, Hotonj bb, 71320 Vogošća,
2. ENERGOPETROL d.d. Sarajevo, Azize Šaćirbegović broj 4b, 71000 Sarajevo.

Nakon analize i procjene pristiglih ponuda, Komisija je utvrdila da ponude oba ponuđača ispunjavaju formalno-pravne i tehničke uslove navedene u tenderskoj dokumentaciji te se kao takve smatraju prihvatljivim ponudama.

Komisija je konstatovala da je ponuđač HIFA-PETROL d.o.o., Sarajevo, Hotonj bb, 71320 Vogošća dostavio Aneks 7. o povjerljivim informacijama, navodeći da se podaci sa 91 stranice smatraju poslovnom tajnom cijelo vrijeme trajanja ugovora. Navedeni ponuđač je dostavio i dokaze (Ugovor o poslovnoj saradnji kompanije čije kapacitete namjerava koristiti za područje Bijeljine, izjavu te kompanije da će omogućiti poslovanje karticama i isporuku goriva odgovarajuće kvalitete, kao i dokaze o ispunjenju obaveze plaćanja poreza).

Komisija je dalje konstatovala da je tačkom 1.4.6. tenderske dokumentacije propisano da se za predmetnu nabavku predviđa e-aukcija u skladu sa Pravilnikom o uslovima i načinu korištenja e-aukcije („Službeni glasnik BiH“ broj: 66/16).

Članom 3. stav (1) Pravilnika o uslovima i načinu korištenja e-aukcije propisano je da prije zakazivanja e-aukcije ugovorni organ u sistem e-Nabavke unosi sve prihvatljive ponude.

Slijedom navedenog, Komisija je jednoglasno dala preporuku ministru pravde BiH da se u predmetu nabavke benzina i dizel goriva za službena motorna vozila, zakaže e-aukcija na način predviđen odredbama Pravilnika o uslovima i načinu korištenja e-aukcije, a da se prije

zakazivanja iste u sistem e-Nabavke unesu ponude ponuđača: HIFA-PETROL d.o.o., Sarajevo, Hotonj bb, 71320 Vogošća sa ukupnom cijenom ponude od 107.818,00 KM bez PDV-a i ENERGOPETROL d.d., Sarajevo, Azize Šaćirbegović, br. 4b, 71000 Sarajevo sa ukupnom cijenom ponude od 101.700,90 KM bez PDV-a, kao prihvatljive ponude.

E-aukcija je zakazana dana 17.12.2021.godine, sa početkom u 11:00 sati. Komisija je istakla da je u sistem e-Nabavke unijela cijene gore navedenih ponuda.

Nakon što je e-aukcija završena, a na osnovu podataka iz Izvještaja o toku i završetku e-aukcije, koji čini sastavni dio ovog zapisnika, Komisija je pristupila rangiranju prihvatljivih ponuda:

RANG LISTA PONUDA
nakon održane e-aukcije

Rang	Naziv ponuditelja	Konačna cijena ponude (KM) bez PDV-a	Umanjenje cijene
1.	ENERGOPETROL d.d. Sarajevo	101.700,90	0%
2.	HIFA-PETROL d.o.o. Sarajevo	107.818,00	0%

Članom 9. stav (2) Pravilnika o uslovima i načinu korištenja e-aukcije propisano je da ugovorni organ po završetku e-aukcije, u skladu sa članom 69. Zakona o javnim nabavkama („Službeni glasnik BiH“ broj: 39/14), donosi odluku o prestanku postupka javne nabavke i obavještava ponuđače u skladu sa članom 71. navedenog zakona.

Članom 69. Zakona o javnim nabavkama (Prestanak postupka javne nabavke) propisano je da se postupak javne nabavke može okončati: a) zaključenjem ugovora o javnoj nabavci ili okvirnog sporazuma ili b) poništenjem postupka javne nabavke.

Slijedom svega gore navedenog, Komisija je jednoglasno dala preporuku ministru pravde BiH da se u predmetu nabavke benzina i dizel goriva za službena motorna vozila za potrebe Ministarstva pravde BiH, donese odluka o dodjeli ugovora ponuđaču **ENERGOPETROL d.d. Sarajevo, Azize Šaćirbegović, br. 4b, 71000 Sarajevo, sa konačnom cijenom od 101.700,90 KM bez PDV** (slovima: stotinujednahiljadasedamstotina i 90/100 KM).

Izabrani ponuđač **ENERGOPETROL d.d** Sarajevo nije dostavio dokumente tražene tačkom 3.1.2. od a) do d) tenderske dokumentacije, a kojima dokazuje da se na njega ne odnosi definisano tačkom 3.1. od a) do d) tenderske dokumentacije. Dokumentaciju je potrebno dostaviti u roku i na način propisan tačkom 3.1.3. Tenderske dokumentacije.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od 10 (deset) dana od dana kada je primio Odluku, odnosno Obavještenje o rezultatima.


MINISTAR
Josip Grubeša

Prilog:

- Zapisnici o ocjeni ponuda.

Dostaviti:

- Ponuđačima u postupku javne nabavke,

- a/a.